

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 272486 26 St
Zenica, 17.09.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom za proizvodnju, promet i usluge "IZBOR" d.o.o. Jelah, Husein kapetana Gradašćevića 8., Jelah, Tešanj, koga zastupa direktor Nađa Dizdarević, na ročištu 17.09.2026. godine donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama FBiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji i zainteresirane osobe ne predujme gore navedeni iznos u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom.

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj Društvo za proizvodnju, promet i usluge „IZBOR“ d.o.o. Jelah, Husein kapetana Gradašćevića 8., Jelah, Tešanj, podnio je prijedlog za otvaranje stečajnog postupka nad društvom za proizvodnju, promet i usluge „IZBOR“ d.o.o. Jelah, Husein kapetana Gradašćevića 8., Jelah, Tešanj, 10.04.2026. godine.

Zakonski zastupnik predlagatelja je na ročištu izjavio da u cijelosti ostaje kod prijedloga za otvaranje stečajnog postupka i nema primjedbi niti prigovora na Izvještaj privremene stečajne upraviteljice.

Privremeni stečajni upravitelj je na ročištu za ispitivanje uvjeta za otvaranje stečajnog postupka održanom 17.09.2026. godine izjavio da je prema finansijskom izvještaju, odnosno u bilansu stanja za period od 01.01.2026.godine do 31.03.2026.godine, utvrđeno da u navedenom periodu društvo nije ostvarilo nikakve poslovne prihode, da je u navedenom periodu društvo imalo rashode u iznosu od 133,00 KM koji se odnose na primljene usluge u iznosu od 70,00 KM i ostale poslovne rashode i troškove u iznosu od 63,00 KM, da je za isti period dobit društva iznosila 0,00 KM, te da za isti period gubitak društva iznosi 133,00 KM. Iz navedenog proističe da je u periodu od 01.01.2026.godine do 31.03.2026.godine društvo ostvarilo gubitak u poslovanju tako da je na kraju izvještajnog perioda ostvarilo ukupan rezultat od -133,00 KM. U prethodnom periodu, od 01.01.2025.godine do 31.03.2025.godine društvo je ostvarilo prihode u iznosu od 29.561,00 KM od čega su prihodi od kupaca iznosili 20.086,00 KM, a ostali prihodi su iznosili 9.475,00 KM. U istom periodu rashodi su iznosili 285.564,00 KM od čega su manjkovi i ostala negativna usklađenja zaliha 244.408,00 KM, gubici po amortizovanom trošku 3.499,00 KM, nabavna vrijednost prodate robe 18.622,00 KM, troškovi bruto plaća zaposlenih 13.779,00 KM, troškovi primljenih usluga 1.945,00 KM, ostali poslovni rashodi i troškovi 3.058,00 KM, tako da je društvo na kraju tog perioda ostvarilo ukupan rezultat - gubitak u iznosu od 256.003,00 KM. Prema bilansu stanja na dan 31.03.2026.godine prikazana je ukupna aktiva ili imovina društva u iznosu od 7,00 KM, a analizom bilansa stanja utvrđeno je da društvo ima kratkoročnu imovinu u iznosu od 7,00 KM koja se odnosi na novac i novčane ekvivalente, odnosno novčana sredstva na računu u iznosu od 7,00 KM. Ovo stanje je bilo na dan 31.03.2026.godine, a trenutno stanje je takvo da na računu u banci nema nikakvih novčanih sredstava. Društvo nema zaliha, sirovina, materijala, roba, gotovih proizvoda, niti ima potraživanja od kupaca. Društvo nema dugoročne imovine, nema postrojenja, opreme, namještaja, transportnih sredstava, nematerijalne imovine, niti ostale dugoročne imovine. Dobit društva iznosi 0,00 KM.

Izjavio je da je u spis suda uložena Potvrda o statusu računa za stečajnog dužnika izdata od Raiffeisen banke d.d.. Prema potvrdi banke od 01.07.2026. godine društvo ima neplaćen dug prema Upravi za indirektno oporezivanje BiH, RC Tuzla u iznosu od 38.099,57 KM. Prema Izvještaju Centralne banke BiH o računima poslovnog subjekta na dan 16.06.2026. godine, društvo ima jedan otvoren račun u KM u Raiffeisen banci br. 1610400005520067 koji je ujedno i glavni račun, a blokiran je od 16.03.2026. godine. Prema potvrdi Raiffeisen banke od 01.07.2026. godine stanje računa na dan izdavanja potvrde iznosi 0,00 KM, račun društva u banci je blokiran po osnovu jednog naloga za prinudnu naplatu javnih prihoda Uprave za indirektno oporezivanje BiH, RC Tuzla na iznos od 38.099,57 KM. Društvo nema imovine, a ima iskazane finansijske obaveze. Društvo ima neizmiren dug prema dobavljačima, neizmirene obaveze po uzetim kreditima i neizmirene obaveze prema javnim prihodima. Društvo nema raspoložive pokretne ili nepokretne imovine iz koje bi se mogla formirati stečajna masa ni za podmirenje troškova stečajnog postupka. Dokaz za to su: Potvrda ZK ureda Općinskog suda u Tešnju br. 039-0-RZ-26-000890 0 18.06.2026.godine, Uvjerjenje Službe za urbanizam, katastar i geodetske poslove Tešanj br. 06-26-7 3125/26-2 od 16.06.2026.godine, Potvrda MUP-a ZDK, Odsjek za administraciju Tešanj br. 08-01 02/11-03.7-3009/26 od 22.06.2026.godine, Izvještaj Centralne banke BiH o računima poslovno subjekta na dan 16.06.2026.godine, Potvrda Raiffeisen banke d.d. br. SD0107-3/2026 0 01.07.2026.godine, Uvjerjenje Porezne uprave F BiH, Porezna ispostava Tešanj br. 13-4/4-12-5-3 3027/26AM od 24.06.2026.godine. Stečajni dužnik je platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a jedini račun stečajnog dužnika je blokiran duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom.

Privremeni stečajni upravitelj predlaže da sud u skladu sa čl. 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana od objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, pa ukoliko niko u ostavljenom roku ne predujmi navedeni iznos da sud donese rješenje o otvaranju te i zaključenju stečajnog postupka nad imovinom društva.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7. 8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić